



Eqqiaaneq pitsaasoq - illup iluani silaannaq

Pitsaasumik eqqiaanissaq aamma taamaalilluni
illup iluani silaannap pitsaasuunissaanik
qulakkeerinninnissamut suliffeqarfinnut ilitsersuut



**Branche
Fællesskab
Arbejdsmiljø**
Velfærd og Offentlig administration

IMARISA



- 3 Pujoralak aamma ipeq ajoqutaasinnaapput
- 4 Pitsaasumik eqqiaanissamut aqqu~~tissat~~ pingasut
- 5 Sullivimmi avatangiisinik suliaqartut qitiusumik sunniuteqarput
- 6 Eqqiaaneq APV-mut ilaavoq
- 7 Illut nungullarsimasut eqqilu~~itsuutin~~neqarsinnaanngillat

Pingaartumik inunnik
isumaginnittoqarfimmi aamma
peqqinnissaqarfimmi sullivimmi
avatangiisinik suliaqartunut aamma
eqqiaasuni aqitsisunut,
ilinniarfeqarfinnut, pisortani

Pujoralak aamma ipeq ajoqutaasinnaapput

Illup iluata silaannalunna qaqutiguinnaq ataasiinnarmik pissuteqartarpoq. Illup iluani silaannaq assigiinngitsorpassuarnit ataqatigiissunit sunnerneqartarpoq. Kisianni eqqiaaneq pitsaasoq silaannarissuunissamut patsisaasut pingaarutillit ilagaat.

Pujoralak peerneqassaaq

Eqqiaaneq pitsaasoq silaannaap pitsaassusaanut pingaartumik sunniuteqartarpoq. Silaannaq pitsaanngitsoq isitigut, qingakkut aamma anersaartorfitsigut, anersaartuutitigut aseruuttoornikkut, qasunikkut, niaqorlunnikkut aamma eqqarsarluarsinnaannginnikkut ersiuteqartarpoq.

Ersiutit pingaartumik silaannarmi pujoralammik pissuteqarsinnaapput. Pujoralak ilaatigut amermit tattammik, pappiaqqat pujoralaannik, naasup pujoralaannik, tappiorannartunik aamma natersuarmit, pisattanit aamma sanaartornermut atortuninngaanneersunik ilaqartarpoq. Aamma silaminngaanneersinnaavoq: Pujoralak aamma ipeq annertoq skuunit eqqussorneqartarpoq.

Silaannarmi pujoralammik ajornartorsiutit pinngitsoortinniaaraanni eqqiaalluarnissaq pitsaanerpaavoq.

Silamit pujoralak aamma ipeq illumut minnerpaamik eqqussorneqarnissaa aamma isumagiuk. Tamanna ilaatigut tullegganiq immikkut ittunik aamma tummarfinnik akunnilinnik atuinikkut pisinnaavoq. Pingaartumik atuarfinni, paaqqinnittarfinni aamma illorsuarni allani inuppassuarnit iserfigineqartartunit aniffigineqartartunilu pingaaruteqarpoq.

Eqqiaanermut atortut eqqortut atukkit

Aamma kemikaliat, tipigissaatit aamma tipigissaatit akui silaannarmiittut silaannalutsitsisinnaapput.

Pitsaasumillu eqqiaaniarussi eqqiaanermut atortut tipigissaatitallit, arrorsaait uumassusilinneersut imaluunniit akuutissat ajoqusiinnaasut allat atornaveersaassavasi.

Pingaartumik inuit anerikilliortartut aamma sapigaqartut, tipilinnut aamma kemikalianut sakkortuumik qisuariarsinnaapput. Taakku silaannaluttoqarneranik ajornartorsiuteqartoqartillugu siulliullutik ersiuteqalersarput.



Eqqiaanermut pitsaasumut aqqutissat pingasut


Eqqiaaneq pitsaasoq sunniuteqarluartorlu, suliffeqarfiup – sulisunut aamma atuisunut allanut iseruminarnissaanut aamma peqqinnartuunissaanut piumasaqaataavoq.

Pingaartumik pissutsit pingasut suliffimmi eqqiaanermut pitsaasumut malitassanik qulakkeerinnissinnaapput:

Eqqiaanissamut piffissaqarluarnissaq

Missingersuutit sukangavallaarpata, eqqiaaneq mianerisariaqalersinnaavoq: Eqqiaasut piffissamut pilersaarummi arlaannik ajortoqassappat, imaluunniit ullut ilaanni naatsorsuutigisamit annertunerusumik eqqiaanissamut pisariaqartitsisoqassappat 'puffissaqqanissamik' pisariaqartitsisinnaapput. Aammattaq pingaarnertut minnerpaamik ukiumut ataaseriarlutik eqqiaaqqissaarnissamut piffissaliisoqartariaqarpoq.

Sulliviit amerlanerpaartaat aningaasartuutunik pingaarnersieqqissaartariaqarput. Kisianni taamaakkaluartoq eqqiaanissamut sulisussanik naammattunik immikkoortitsinissamut sulissuteqartariaqarput.



Aserfallatsaaliuineq aamma pisattanik aqqissuussineq pitsaasoq

Illut aamma pisattat aserfallassimallutillu pitsaanngippata, eqqiaalluarnissaq ajornakusoorlunilu piffissamik atuinerneruvoq. Init aamma 'pujoralatsitsinikkaamik' aqqissorsimatillugit tamanna atuuppoq.

Tamatuma peqatigisaanik atortunik aamma pisattanik eqqiaanissamut aamma ataavartitsinissamik eqqarsaateqarlusi toqqaasarnissarsi pingaaruteqarpoq. Nutaanik pisinnginnissinni eqqiaasut siunnersuutaat tusarniarsigit!

Suliamut ataatsimut akisussaaffik

Eqqiaasut aatsaat init torersarneqarsimatillugit, aamma eqqiarneqarnissamut piareersarneqarsimatillugit 'suliassartik naammassilluarsinnaavaat'. Taamaattumik eqqiaaneq pitsaasoq sullivimmi sulisunut aamma atuisunut ataatsimut akisussaaffigineqarpoq.

Eqqiaaneq sumi annertunerussanersoq, aamma eqqiaanermik suliassap qanoq tamassi oqinnerulersissinnaanerlugu oqaluserisiuk.

Ulluunerani periarfissaappat eqqiaagitsi: Eqqiaaneq ersarisoq eqqiaanermik suliassamut

ataqqinninnerulersitsisarpoq.

Sullivimmi avatangiisinik suliaqartut qitiusumik sunniuteqarput

Eqqiaasut eqqiaanermut pilersaarut aalajangersimasoq, qanoq akulikitsigisumik eqqiaasoqartarnissaanik, aamma periutsit suut atorneqartarnissaanik nassuiaasoq maliillugu nalinginnaasumik sulisarput.

Eqqiaaneq inunnit sullivimmit toqqaannartumik atorfeqartinneqartunit ingerlanneqarpat, aamma suliffeqarfimmit eqqiaanermik suliaqartunit suliarineqarpat tamanna atuuppoq.

Sullivimmi avatangiisinik suliaqartut peqataanerat

Eqqiaanermut pilersaarut suliarineqartillugu sullivimmi avatangiisinik suliaqartut tusarniarneqartariaqarput. Eqqiaanissamik suliassat nassuiarneqartillugit, illup iluani silaannaq aamma sullivimmi avatangiisit eqqarsaatigisariaqarpasi.

Eqqiaanermut pilersaarut sulliviup pisariaqartitaanut aamma piumasaqaataanut tunngatillugu piviusorsioortuussaaq. Tamatuma peqatigisaanik suliassat sorliit eqqiaasunit suliarineqassanersut pillugit ersarissunik isumaqatigiissutigineqarnissaat, aamma sulisut sinnerisa atuisullu suut suliarissaneraat qulakkeertariaqarpasi.

Pingaarnersiuiineq aamma aqutsineq

Eqqiaaneq pillugu kissaatigisat tamarmik naammassinissaannut piffissaqarniarneq aamma sulisussaqaarniarneq ajornakusoorajuttarpoq. Taamaattumik suliassat pingaarnersiorneqarnissaat pisariaqarpoq.

Suliffeqarfimmi sulisut tamarmik suliassat qanoq pingaarnersiorneqarnissaannut

oqalliseqataanissaat iluaqutaassaaq.

Ulluinnarni suliaqarnermi ileqqut qanoq allanngortinneqarsinnaanerinit isumassarsititsisinnaapput, taamaalilluni eqqiaaneq oqinnerulissammat. Peqatigisaanik kikkut tamarmik eqqiaasut sulinerannut annertunerusumik paasisaqassapput.

Eqqiaanermik naliliineq

Eqqiaaneq naammaginangitsoq misigigussiuk,
suliffimmi sinaakkutit aamma
isumaqatigiissutit atuuttut tunngavigalugit
pissutaasumik ujaasinissarsi pingaaruteqarpoq:
Eqqiaaneq naammattumik
peqqissaarunneqanngila? Sulisut aamma
atuisut suliasaminnik suliarinninngillat?
Imaluunniit eqqiaanermut pilersaarut
sukangavallaarpa?

Eqqiaanerup pitsaassusaanik naliliinermi
nammineq itinerusumik misissuigussi,
periutsinik assigiinngitsunik atorsinnaasassinnik
peqarpoq:

- Dansk Standardip standard DS/ INSTA
800:2011 “Rengøringskvalitet – System til
fastlæggelse og bedømmelse af
rengøringskvalitet”
saqqummersinnikuuaa. Uani
paasisaqarnerugit www.ds.dk

Eqqiaaneq APV-mut ilaavoq

Eqqiaaneq illup iluani silaannarmut pingaarutilittut ilaavoq. Taamaattumik sullivimmi avatangiisinik suliaqartut APV-mik suliaqarneranni eqqiaaneq misissugassanut ilaajuaannarnissaa pissusissamisoorpoq.

Pingaartumik silaannaluttoqarneranik ajornartorsiuteqarnermik pasinartoqartillugu, imaluunniit sulisut aamma atuisut akornanni sapigaqartoqarpat.

Eqqiaanermut piunasaqaatit immikkut ittut

Pingaartumik sumiiffinni eqqiaanermut immikkut piunasaqaateqarfiusuni eqqiaaneq maluginiartariaqarparsi. Ass. makkuusinnaapput:

- Napparsimmavinni aamma iggavinni eqqiluisaarnissamut annertuumik piunasaqaateqarfiusuni.
- Sullivinni, sannavinni aamma sumiiffinni allani annertuumik ipeqalersartuni.
- Laboratoriani, inini kemimik suliaqarfinni aamma sumiiffinni allani kemikalianik ulorianartunik suliaqarfiusuni.

Assersuutitsialaat aamma misissorsigit


Sullivimmik misissuigaangassi misilittakkat malillugit eqqaanermik sulianut ajornakusoornersitsisut maluginiartariaqarpasi: Inini torersaasoqannginnera, aserfallattaaliisoqannginnera, ilisivinni tukattuni 'pujoralatsitsisut' aamma qarasaasiap tunuani 'kabelerpassuit'.

Tamatuma peqatigisaanik misilittakkat pitsaasut katersortariaqarpasi: Sumiiffinni eqqiaaneq ingerlalluarpa? Tassanerpiaruna suna iluamik ingerlasoq? Sullivimmi taamaaliornerusinnaavugut?

Eqqiaasut aperikkitt

Eqqiaasut aamma immaqa eqqiaasut aqutsisuat sullivimmik misissuinissinni peqataatinnissaat isumassarsiatsialaavoq.

Taakku misilittagaat aamma ilisimasaat ilanngutissallugit pingaaruteqarput, eqqiaanerup amigarneranut pissutaasut nassaariniarnerini, aamma aaqqiissutissanik iliuusissatullu pilersaarutininik aalajangersimasunik suliaqassagaangassi.



Illut nungullarnikut eqqiluitsuutinneqarsinnaanngilla t

Illunik aamma pisattanik aserfallattaaliilluarneq pitsaasumik eqqiaasoqarnissaanut silaannarinnissaanullu piumasaqaataapput:

- Illut aamma natersuit isugutattut oqummut annertusitsisarput aamma bakteriaqalersitsisarput. Minnerunngitsumik igaffinni aamma perusersartarfinni iikkat natillu qaavi nungullarsimallutillu qupisimasut bakteriarqarfiusinnaapput – nalinginnaasumik eqqiaanermi salikkuminaassinnaasut.
- Ikkat, qilaat aamma pisattat putunikut qupinikullu kusertut. Inini ipermik pujoralammillu siammarterisarput aamma eqqiaanissamik ajornakusoornerulersitsillutillu piffissamik atuiffiunerusarput.
- Silaannarissarfiit milinnikut imaluunniit ristit aamma silaannarissarfiit aqquaat silammut silaannarissarfiit ajornerunerannik kinguneqartarput aamma silaannarmi pujoralaqarnerulersitsisarlutik.

Ataatsimut akisussaaffik

Illup, atortut aamma pisattat iluamik aserfallattaalineqarnissaasa qulakkeerneqarnissaat aqutsisut akisussaaffigaat. Kisianni sullivimmiittut tamarmik kukkunernik aamma amigaatinik nakkutiginninnissamut aamma illunik pisattanillu paarsilluarnissamut akisussaaqataapput. Sullivimmi avatangiisinik suliaqartut illup akuttunngitsumik misissortariaqarpaat, taamaalilluni piffissaatillugu ulorianarsinnaasut paasisassagassigit. Eqqiaasut misilittagaat pillugit aperisassaasi. Illu tamakkerlugu ilisimavaat.



Eqqiaaneq pitsaasoq ataatsimut akisussaaffigineqarpoq

Eqqiaanermut ikiortit amerlasuut sulinertik arajutsineqartartoq aamma sullivimmi salliutinneqartanngitsoq misigisimasarput. Qaqutigut nersualaarneqartarput – kisianni akerlianik eqqiaanermi ajornartorsiuteqarpat pisuutinneqakkajuttarput.

Naak aamma aserfallatsaaliuinerup pitsaannginnera, sulisut ikippallaarnerat, imaluunniit sulisut atuisullu torersaalluarsimannginnerat nassuiaatissaagaluaaraangat.

**Isumaqatigiissutit ersarissut
naammagisimaarinninnermik annerusumik
kinguneqartarput**

Suliassat sorliit eqqiaasunit suliarineqassanersut pillugit ersarissunik – aamma sulisut sinneri qanoq iliornissaat pillugit isumaqatigiissuteqartoqartillugu ulluinnarni eqqiaanerit oqinnerulersarput.

Ass. kikkut torersaassanersut, eqqaavinnik imaarsissanersut, kaffisorfinnik paaassanersut, perusuersartarfinni qaqorsaadini aamma allarutini taarsiissanersut aamma issiavinnik inissiisarnersut kikkunnut tamanut ersarissuusariaqarpoq.

Inini torersaagitsi

Sullivinni amerlasuuni iluamik torersaasoqartannginnera ajornartorsiutaavoq utertuartarpoq: Issiaviit klassimi iluamik inissinneqarsimanngippata, imaluunniit nerriviit pappiaqqanik aamma kaffisorfinnik ulikkaarpata, piffissaliunneqartup iluani eqqiaalluarnissaq ajornarpoq.

Init aamma ataasiakkaat sullivii sulisup kingulluip ingerlanerani qanoq isikkoqartassanersut ersarissumik isumaqatigiissutigisariaqarpasi.

Tamatuma peqatigisaanik isumaqatigiissutit malinneqarnersut malinnaaffiginissaanut ersarissumik periuseqartariaqarpasi.



Suliassaq pillugu oqaloqatigiigitsi

Eqqiaaneq naammagisimaanngikkukku,
eqqiaanermi aqutsisoq aamma eqqiaasut
ataatsimiinnissamut aggersaanissaq
pitsaasuvoq.

Immaqa nammineerlusi eqqiaaneq
pitsaanerulersillugu ikiuisinnaavusi. Immaqa
suliassat allatut
pingaarnersiorneqartarnissaat
isumaqatigiissutigisinnaavarsi.

Tamatuma peqatigisaanik aqutsisut inummik
attaveqaataasumik toqqaasariaqarput (ass.
aqutsisoq nammineq), ininik ulluinnarni
atuisut aamma eqqiaasut akornanni
attaveqartartuussaaq. Taamaalilluni
illuatungeriit tamarmik
ajornartorsiuteqartillugu kimut
ornigutissanerlutik nalussanngilaat.

Eqqiaanermi ikiortit amerlasuut nunasisut
danskil oqaasiinik aamma pissusaannik
killilimmik paasinnissinnaasuunerat
eqqaamassavat. Ulluinnarni suliaminnik
tamanut naammagisimaartitsisumik iluamik
ingerlatsinissaminnut ammasumik
oqaloqatigilluarneqarnissaminnik
pisariaqartitsisarput.



Eqqiaaneq ersarissuutiguk

Eqqiaanermik suliaq tamanit takuneqarsinnaasariaqarpoq. Ulluunerani eqqiaanissaq periarfissaappat tassani eqqiaanissaq pitsaasuvoq. Suliassamut ataqinninnermik annertunerulersitsisarpoq – aamma eqqiaasunut atugarissaarnerulersitsillunilu sullivimmi avatangiisinut pitsaanerulersitsisarpoq.

Eqqiaasut sulisoqatigiinnut ilaanerit eqqaamallugu. Taamaattumik ass. sulisut ataatsimiinnerannut, julefrokostimut aamma ataatsimut sammisaqarnernut peqataasariaqarput.

Illup iluani silaannaq pillugu



- uani PAASISAQARNERUGIT www.indeklimaportalen.dk
- suleqatigiinneq, pisiortorneq aamma sullivimmi avatangiisit pillugit www.arbejdsmiljoweb.dk
- pitsaasumik eqqiaanermut malittarisassat pillugit www.at.dk
- eqqiaanermut



Init aqqissornerini, eqqiaanissaq eqqarsaatigisiuk

Init pitsaasumik aqqissuunneqarsimappata, eqqiluutsuutinnissaat oqinnerulissaaq – taamaalillunilu silaannarissuunissaata qulakkeernissaa ajornannginnerulissaaq.

Ilisiviit ammasut pujoralanipallattarput. Pingaartumik 'suarsunnik' ulikkaartillutik pujoralaajarnissaat sivisusarpoq. Skaavinnut matoqqasunut amerlanerpaat toqqorneqassapput, immikkut toqqorsivinnut imaluunniit karsinut.

Qarasaasiap tunuani 'kabelerpassuarni' torersaagitsi, taamaalilluni eqqiaasoqarsinnaanngorlugu, aamma IT-mut atortut, karsit aamma pappiaqqat natermut eqqiaanissamut akornutaatillugit ilineqassangillat.



Isumatusaartumik pisiniaritsi

Naternik aamma saagunit pisattanut, teknikikkut atortunik, qullernik toqqaaniaraangassi, eqqiaanissap eqqarsaatigineqarnissaa pitsaasuvoq.

Minnerunngitsumik nutaamik sanaartornermi imaluunniit sullivimmik nutaamik aaqqiissuussinermi. Tassani aallaqqaataaniilli eqqarsaatigilluakkamik aamma isumatusaartumik toqqaanissamut periarfissaqarpusi.



Eqqiaasut aperikkit

Eqqiaasut aamma eqqiaanermi aqutsisoq aaqqiissutit sorliit pitsaanerpaamik aamma oqinnerpaamik eqqiaanissamut annertuumik misilittagaqakkajuttarput.

Taamaattumik annertunerusumik pisiniarnissamik pilersaarusiaraangassi, nutarterigaangassi imaluunniit nutaamik sanaartoraangassi siunnersuutaat ilanngunneqartuaannartariaqarput.



Eqqiaaneq pitsaasoq - illup iluani silaannaq pitsaasoq

Eqqiaaneq pitsaasoq silaannarissuunissamut piunasaqaataavoq – taamaalillunilu sullivimmi avatangiisinut pitsaasunut.

Eqqiaanermik suliassaq pitsaasumik aamma sunniuteqarluartumik suliarineqassappat, suliassamut naammattunik sulisoqarnissamik pisariaqartitsivoq, aamma illut pisattallu aserfallatsaaliorneqarluarnerannik. Kisianni siullermik eqqiaasut aamma sullimmimmilu sulisut sinneri atuisullu suliassamut ataatsimut akisussaaffeqartutut misiginerannik pisariaqartitsiffiuvoq.

Suliassaqartunut ilitsersuut una pingaartumik sullivimmi avatangiisinik suliaqartut eqqiaanerup pitsaasuunissaanik taamaalillunilu silaannarissuunissaanik qulakkeeriniarluni sulinermi tapertaasussatut suliarineqarpoq.

Ilitsersuut akisussaaffik aamma suliassat pillugit paasissutissanik imaqarpoq kiisalu ataatsimut akisussaaffimmik aamma eqqiaanermut sinaakkutinik pitsaasunik pilersitsiniarnermut isumassarsiorfissanik.



**Branche
Fællesskab
Arbejds miljø**

Velfærd og Offentlig administration

